

य॒ष्टं वि॒श्वं भू॒तं वि॒श्वं ॥ सु॒भू॒तम् । वि॒श्वस्य॑ भ॒र्ता वि॒श्वस्य॑
ज॒नयि॒ता । तं त्वो॒प॒द॒धे का॒म॒दु॒घ॒म॒क्षि॒तम् । पु॒जाप॒-
ति॒त्वा सा॒द॒य॒तु । तया॑ दे॒वत॑याङ्गि॒र॒स्व॒द्भु॒वासी॑द ॥

॥ २१ ॥

लो॒कस्त॑प॒स्तेजः॑ स॒मु॒द्र आ॒पः पृ॒थि॒व्य॒ग्निर॒न्तरि॑क्षं
वा॒युर्द्यौ॑रा॒दित्य॑श्च॒न्द्रमा॑ नक्ष॑त्राणि सं॒वत्सर॑ ऋ॒तवो॑
मा॒सा अ॒र्द्धमा॒सा अ॒होरा॒त्रे पौ॒र्ण॒मासी॑ रा॒डस्यो॒जो-
ऽस्ये॒कविं॑शतिः ॥ २१ ॥ अनु० १ ॥

लो॒कः स॒मु॒द्रोऽग्नि॑र्वा॒युरा॒दित्य॑श्च॒न्द्रमाः॑ सं॒वत्सर॑
ओ॒जोऽसि॑ भ॒र्ता अ॒श्रितः॑ । तं त्वो॒प॒द॒धे का॒म॒दु॒घ॒म॒क्षि॒-
तम् । तप॑स्तेजोऽन्तरि॑क्षं भ॒र्तृ अ॒श्रितम् । तत्त्वो॒प॒द॒धे का॒-
म॒दु॒घ॒म॒क्षि॒तम् । आ॒पः पौ॒र्ण॒मासी॑ भ॒र्त्यो ज॒नयि॒त्यः
अ॒श्रिताः॑ । ताव॑ उ॒प॒द॒धे का॒म॒दु॒घा अ॒क्षिताः॑ । पृ॒थि॒वी
द्यौ॑ रा॒डसि॑ भ॒र्त्री अ॒श्रिता । तां त्वो॒प॒द॒धे का॒म॒दु॒घा म॒-
क्षि॒ताम् । नक्ष॑त्राणि स्थ भ॒र्तृणि॑ अ॒श्रितानि॑ । तानि॑ व
उ॒प॒द॒धे का॒म॒दु॒घान्य॑क्षि॒तानि॑ । ऋ॒तवो॑ मा॒सा अ॒र्द्ध-
मा॒सा भ॒र्तारो॑ ज॒नयि॒तारः॑ अ॒श्रिताः॑ । तान्व॑ उ॒प॒द॒धे
का॒म॒दु॒घानक्षि॑तान् । अ॒होरा॒त्रे भ॒र्त्यो अ॒श्रिते॑ । ते वा-
मु॒प॒द॒धे का॒म॒दु॒घे अ॒क्षिते॑ । आ॒पो नक्ष॑त्राण्यु॒तवो॑